



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-491-6/22**
Datum: **03.10.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HP OIL“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa samouslužnom autopraonicom i drugim pratećim sadržajima „HP OIL“ izgrađene u ulici Rakovička cesta broj 20, općina Ilidža Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „HP OIL“ d.o.o. Sarajevo daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa samouslužnom autopraonicom i drugim pratećim sadržajima „HP OIL“, izgrađene na zemljištu označenom kao k.č. broj 562/5, 562/69, 562/71 i 562/26 K.O. Hadžići (z.k. stanje), što odgovara k.č. broj 34/2, 35, 36, 37, 40/1 i 40/2 K.O. Blažuj (kat. stanje), u ulici Rakovička cesta 20, općina Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u podzemnim čeličnim dvoplašnim rezervoarima ukupne zapremine $V=120 \text{ m}^3$ sa pripadajućom armaturom za rukovanje, praćenje i sigurnost rada i skladištenje LPG-a u podzemnom rezervoaru zapremine 10 m^3 .
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Korisnik poslovnog objekta za sve vrijeme trajanja ove vodne dozvole treba obezbijediti da se oborinske onečišćene vode sa lokacije predmetne benzinske pumpe sa pratećim sadržajima nesmetano sakupljaju putem slivnika sa slivnom rešetkom, internom kanalizacionom mrežom odvedu do izgrađenog tipskog separatora ulja i naftnih derivata i preko okna za monitoring odvedu do ispusta izvedenog u upojni bunar.
 - 3.5. Korisnik treba da obezbijedi da se tehnološke otpadne vode iz samouslužne autopraonice prikupljaju putem slivne rešetke u taložnik, internom kanalizacionom mrežom odvedu do tipskog separatora ulja i naftnih derivata i preko okna za monitoring odvedu do ispusta izvedenog u upojni bunar.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent – upojni bunar, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17,

- 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
- 3.8. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.9. Da prikupljanje, odvoz i konačno zbrinjavanje opasnog otpada sa lokacije predmetne benzinske stanice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „HP OIL“ d.o.o. Sarajevo obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa samouslužnom autopraonicom i drugim pratećim sadržajima „HP OIL“, izgrađene na zemljištu označenom kao k.č. broj 562/5, 562/69, 562/70, 562/74, 562/71 i 562/26 K.O. Hadžići (z.k. stanje), što odgovara k.č. broj 34/2, 34/5, 35, 36, 37, 37/1, 40/1 i 40/2 K.O. Blažuj (kat. stanje), u ulici Rakovička cesta 20, općina Ilidža, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, kod subjekta upisa «H.P. OIL» d.o.o. Sarajevo, broj: 065-0-Reg-17-004775 dana 18.10.2017. godine;
- Ovjerena kopija uvjerenja o poreznoj registraciji «H.P. OIL» d.o.o. Sarajevo, izdata od strane Porezne uprave F BiH - Kantonalni porezni ured Sarajevo dana 31.08.2012. godine;
- Ovjerena kopija uvjerenja o registraciji/upisu u Jedinostveni registar obveznika indirektnih poreza izdatog od strane Uprave za indirektno-neizravno oporezivanje Banja Luka broj 04/1-17-1-UPJR/1-258-2/13 od 06.02.2013. godine;
- Kopija izmjenjenog Rješenja o urbanističkoj saglasnosti izdatog od strane Službe za prostorno uređenje Općine Ilidža, broj: 03-23-2691/2-11 M. dana 20.06.2013. godine;
- Kopija Rješenja o odobrenju za upotrebu objekta – benzinska pumpa, donesenog od strane Službe za prostorno uređenje Općine Ilidža, broj: 03-23-3334/13 M. dana 08.07.2013. godine;
- Kopija Rješenja o okolinskoj dozvoli donesenog od strane Ministarstva prostornog uređenja, građenja i zaštite okoliša Kantona Sarajevo, broj: 05-23-8814/18 VI dana 11.07.2018. godine;
- Kopija rješenja o vodnoj dozvoli izdatog od strane «Agencije za vodno područje rijeke Save» Sarajevo, broj: UP-I/25-3-40-120-3/17 dana 06.02.2017. godine;
- Kopija ugovora o pružanju usluga preuzimanja, manipulacije, skladištenja i krajnjeg zbrinjavanja opasnog otpada i čišćenja separatora, sklopljenog sa „DELTA PETROL” d.o.o. Kakanj, dana 28.05.2022. godine;
- Izvještaj o monitoringu kvaliteta i kvantiteta otpadnih voda benzinske pumpe i autopraonice „H.P. OIL” Sarajevo, urađen od strane „Inspekt – RGH” d.o.o. Sarajevo, juni 2022. godine;
- Glavni projekat – vanjsko uređenje – saobraćaj i nivelacija i vanjske instalacije vodovoda i kanalizacije za benzinsku pumpnu stanicu «H.P. OIL» u ul. Rakovička cesta broj 20, općina Ilidža, Sarajevo urađen od strane „ES HYDROTECHNICS” d.o.o. Sarajevo, septembar 2012. godine (na uvid);
- Glavni projekat – mašinske instalacije, urađen od strane „DOM PROJEKT” d.o.o. Zavidovići, oktobar 2012. godine (na uvid);
- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz Rješenja o vodnoj dozvoli (broj: UP-I/25-3-40-120-3/17 od 06.02.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 01.09.2022. godine konstatovano je da podnosilac zahtjeva «H.P. OIL» d.o.o. Sarajevo redovno izmiruje svoje obaveze uplate posebnih vodnih naknada za benzinsku pumpu sa pratećim sadržajima „H.P. OIL” u Rakovici, općina Ilidža.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-491-4/22 dana 28.09.2022. godine.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

Na predmetnom lokalitetu nalaze se slijedeći objekti: benzinska pumpa sa automatima za istakanje goriva sa nadstrešnicom, objekat sa maloprodajom i kafeom, kancelarijski prostor, skladišni prostor, sanitarni čvor, 2 podzemna čelična dvoplašna rezervoara za skladištenje nafte i naftnih derivata ukupne zapremine 120 m³ i podzemni rezervoar za skladištenje LPG-a zapremine 10 m³ i samouslužna autopraonica.

Oborinske onečišćene vode sa predmetne lokacije prikupljaju se putem slivnika sa linijskom slivnom rešetkom i internom kanalizacionom mrežom vode do ugrađenog tipskog separatora nafte i naftnih derivata, kao i tehnološke otpadne vode iz objekta samouslužne autopraonice. Nakon prečišćavanja odvođe se u okno za monitoring prečišćenih voda, te zajedno sa čistim oborinskim vodama sa krova nadstrešnice odvođe do ispusta u upojni bunar.

Na predmetnom lokalitetu vrši se skladištenje nafte i naftnih derivata u dva podzemna čelična dvoplašna rezervoara ukupne zapremine 120 m³ sa pripadajućom armaturom za rukovanje, praćenje i sigurnost rada i skladištenje LPG-a u podzemnom rezervoaru zapremine 10 m³.

Razmatrajući podneseni zahtjev, a na osnovu dostavljene projektne i druge dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u dispozitivu ovog Rješenja, propisani uslovi u skladu sa odredbama Zakona o vodama, Pravilnika o sadržaju, obliku, uvjetima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda i tehnoloških otpadnih voda, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje
vodnih akata

Haris Ališehović, dipl.ing.građ.

Dostaviti:

- „H.P. OIL“ d.o.o. Sarajevo, Rakovička cesta broj 20, 71210 Ilidža, Sarajevo
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava